

心源海上效方

戊辰孟夏
樂翁



源海上效方

悔盦書牘



趙序

吾弟姚心源醫士英年敏雋好學多才既稟其尊人小陶先生之庭訓又游於名醫徐勤安先生之門有年去歲偕友人相將來滬偶試活人之方所施輒效一時風動戶限幾穿未幾旋蘇余見其行篋日記中診斷方箋哀然成裘爰屬其歸而就正師友並可質之同道亦游滬之鴻雪也茲排印既竣因爲泚筆記其端戊辰冬月丹徒趙宗朴悔盦書於淞畔長樂未央硯齋

胡序

心源表棣天資穎悟學識過人其文字言論有一種磅礴氣流溢於筆墨間習於醫非所志也曩者分寓申江小試其技求診



者類皆他醫不治之症觀其立案處方奇特而多經驗不泥於古亦不離於今確有獨到之處孟子云能與人規矩不能使人巧運巧於規矩之中真科學醫術進化之作也心源爲姨丈姚小陶之長君同門徐勤安之高足家學淵源名師指導一時有勝藍之譽乙卯游學於丹徒趙孝廉悔盒之門所讀經史子集均有心得旁及談諧雜著無不瀏覽大有學於萬物之志名利炎涼早經戡破所謂能以古鏡照人者也病者求治之宜其着手成春矣然心源其將以醫掩乎夫吾人通情達理者必能通權達變無施不可卽無往不宜以心源之才之識惜不能運籌帷幄馳驅戎馬爲黨



國建奇勳徒以汙吐下之法散賊之衆發賊之伏攻賊之毒託於望問聞切之術而乃甘於小道竟以醫見也豈不惜哉心源猶不自滿復於去年冬日上北道訪師並得上道上人之授其歷經辛苦筆難盡述亦可見發憤好學之心矣當茲國醫不振之秋中流砥柱若而人之謂乎己巳春日因事返吳見其所錄存之海上各方頭頭是道如數家珍以視其人則訥然寡言笑柔靜若處子所謂深於道者不談道神於醫者不言醫當亦木雞養到者乎直書所見以徵他日醫國之券己巳三月下浣愚表兄幹臣胡秉直識於南渭鎮之寄廬



海上效方一卷

吳門心源姚滋常著

白

楊樹浦

左年二十九歲業外國銅

持重傷肝三血四月何恃不恐

麻黃生錦紋生巴豆四制白附子姜橘紅

二診 四月之病一藥幸止逆取之矣尤

貴順守清補之中仍寓通意

洋參生地炒鬆阿膠製香附生半夏車前

子水姜

該病係持重傷氣氣輕血重不能相孚
照常理論似乎氣本輕血本重無妨於
事不知氣血互有置配此病卽氣不馭
血血不麗氣之故乃用大禹導水龍門
之法前賢張子和曾有其治變通用之



蓋是病歷醫無效非惟救病兼當救藥

耳

源心

立方頗有妙思

鐵君

馮

蘇州

右年三十餘歲

寒冷滯中內蘊爲濕體血既濁裏瘀化
蟲口吐涎沫四肢厥冷是虵厥也

川樸大黃只實烏梅枳榔

胃府不清奇經何由而調其病腹膨且
大經帶淋漓每當發瘧之時噫氣脈瀦
冷汗漉漉當時另一醫者欲與補血之
劑苟與補血豈不相左病之遇醫殆亦
有幸運存焉

源心

鮑

福州路和樂坊

左年四十八歲嗜

思慮傷脾脾弱則肝升無制上虛下實



風氣襲之戴陽不寐苦頭痛

羚羊肉桂生地霜桑葉巨勝子木必子南
棗肉爲引

二診 脾陽過旺脾陰乃衰上升之氣自
肝而出所以肝病必責之脾譬如生之
者寡勢必供過於求三年宿恙時發時
止爰進導龍入海之治

蔓荊生地藁本香附升麻汁荷葉包煎另
用童子雞去頭尾翅煎湯常服

腦氣下加於心心血上潮於腦此人身
思慮之作用也腦氣心血兩俱不足升
者不能用其升降者不能用其降以香
附看升麻同氣相求故能收效神速也
先生用筆獨得此種神妙

濟民



葛

光華大學學生

年二十八歲

心中懊懣服冰忌淋十餘杯覺四肢乏力喉間忽然辛穢冲出血水甚多急救不止此寒熱交衝聚血暴溢決非犀角地黄之治用歸納法庶幾化莠爲良

石羔肉桂香附生地茜草大青

二診 血止脇間痛似有一物瘰悶其間喉中哽哽氣尙未和

新絳蘆薈烏藥蘇梗陳皮全福

冰是熱體心中懊懣是虛冰毒所中血管暴裂所致不難於用藥難於識症之

的耳

民濟

止血用順氣法自屬確切不移以氣順

則血自歸經也

勤安



姚

聞北民德路 幼三歲

閉厥兩端耳治厥鎮肝治閉宣肺鎮肝
之藥皆能熾淚不治其肺如何能哭尊
方中加

紫苑細葉菖蒲重慶

幼科病肝肺兩大法門看病只要認題

不差便無難事

陶小

鎮肝先須洩肺此論千古不移

鐵君

許

北浙江路 右年三十五歲

噤口痢十日餘劫津脈弦數表熱有汗

證脈異途險甚

生地炙甘草麥冬五味阿膠肉桂

二診 脾不作強腎乃受寒寒動傷中故

呈呃逆之象寓止於通



肉桂焦山萸黑姜麻仁訶子肉明阿膠

得東垣遺意

鐵君

氣行脈外血行脈內所以脈是氣血的
代表就照浮沈遲數事解釋浮數是氣
病沈遲是血病故沈金鑑發明舉按尋
三字訣以持脈大有見地若必分爲三
部九候未免故神其說若必剖爲二十
七脈又覺扳滯太甚總之持脈者當以
胃氣作用神就是二十七脈外之平脈
人之託生所在斷然不能稍有所害若
夫證脈異途其險更甚此病得愈洵屬
意料之外余亦與有幸也

朱

馬浪路

左年五歲

形瘦腹膨暮熱便洩病後失調所致此



病不能求之於形藏

銀柴胡白芍烏藥陳皮乾蟾雞金

大魁既敦之後小醜允當勦撫兼施其
脈濡細且數病之得非一朝一夕早可
明見此蓋神氣抑鬱不能張越谷氣遏
阻不得流通抗拒不足外侮乃張藥不
中病徒然傷胃服銀炒柴胡二劑之後
以白虎善其後

顧

蘇州烏雀橋

左年四十餘歲嗜烟

戾氣阻塞清氣不升血瘀食滯醇變爲
痢慎毋重傷其胃

生赤芍

肉桂四分製過

飯沫煮藥服食

喘

濕未解而正先傷氣未升而邪已越收
斂補澀均經應用然留着之邪必因正



氣推蕩方始得解此方於潔古法運用
神髓彌覺祕奧再診用葛根蒼朮黃芩
等藥肛墜亦愈

于

北京路富潤里

右年二十三歲

經來疼痛如崩如漏一月數至火盛血
熱生氣索然

柴胡前胡葛根桂木蒲黃五靈脂乳香沒
藥

痛則不通例宜淋漓不暢今乃如崩如
漏其爲血熱火旺明甚合失笑震靈柴
胡於一方既清且靈妙手妙手

民濟

二診 病勢較減經來紫黑成塊可見憂
鬱之氣加乎血中止瀝則礙痛當辟臨
淮以分其勢



生錦紋水仙根側柏葉黑丹皮蓮蓬頭乳

香烏藥

此病例宜用附子前醫有用附子不甚

收效余乃改用此方吉人天相醫者誠

不敢言功也

心源

見證明理路清

鐵君

常

新闢路

左年五十餘歲業醫生

重與粘膩之藥濕無發越之機雖欲馨

胃如何能納照例宜用託裏之品然因

上升而喘逆未可知也衰暮之年患此

外瘍當以不傷正不實邪爲第一義明

知弄斧班門尙祈主裁

生熟甘草各四兩濃煎

於瘍科亦三折肱矣

鐵君



陳

西門夢花樓

年三十一歲

效病久用甯肺之藥不得其解姑先從

疎肝平胃着想

蘇子款冬蒼朮白朮蛤粉阿膠連心麥冬

二診 肝胃既和仍宜肅清上源用揚湯

止沸法

保金丸射干甘遂北五味麥冬

氣滯血瘀肺乃結核故六淫邪感其留

着於肺家者如目中粘着灰塵利去爲

快耳該病已有澼囊故滋陰之品皆在

忌列邪去正扶當亦避重就輕計也

心源

自註

由肺而傳之癆是外感之癆也先強中

及致真藏脈見此末傳之候也由腎而



傳之癆是內傷之癆也本於血液枯乏無力灌溉五藏必致脾虛而泄欲食不能此末傳之候也世人治癆均不得其

竅爲將真理倡之

心源

顧

清和坊 右年三十六歲

消化不利肝鬱不達胃腕當心而痛消
化之機責之呼吸

旋復瓦楞蘇子良姜香附砂仁煑鯽魚

呼出於肺吸入於腎然一呼不能勝二
吸以環境上遠近衡之理所當然卽天
地之客氣彌張氣管之道路狹小內之
推蕩不勝外之壓迫常人且如此况稍
有遲阻氣管膨脹妨害食管鬱抑不伸
不通則痛方無奇妙神於着力余何敢



自居爲功也

源心

倪

共和路錦樂里

右年二十五歲

產後汗洩溱溱忿氣鬱於肝家鋒不可

犯聲之東擊之西

羚羊生地荆芥防風赤芍天水散

產後六十餘日欬嗽不暢汗洩溱溱他

醫調治達表和解備極其治不知肺主

發汗肝主收汗肝不條達肺無約束或

幾誤爲虛損則永無表解之日矣處方

非有獨到處乃能略用心思耳

源心

所論大有見地

鐵君

姚

安徽人

年五十餘歲

臍病三年藥物攻伐新增吐血脈細神

衰諸藏皆傷窮將及腎

